

DEO OPTIMO MAX.

UNI ET TRINO,

VIRGINI DEIPARÆ, ET S. LUCÆ.
Orthodoxorum Medicorum Patrono.

QUÆSTIO MEDICA,

CARDINALITIIS DISPUTATIONIBUS
manè discutienda in Scholis Medicorum die Jovis vigesima-tertia
Martii M. DCC. XLI.

M. NICOLAO ANDRY, Regis Consiliario, Lectore, Profes-
sore, ac librorum Censore Regio, Doctore Medico, &
Antiquo Saluberrimæ Facultatis Decano, Præside.

An præcipua Valerudinis tutela Exercitatio?

I.

IN iis omnibus quæ ad bonam integramque corporis constitutionem tuendam, plurimosque
ejusdem languores præcavendos ac propulsandos conferre maxime valent, primum sibi lo-
cum vendicat exercitatio: est enim hæc caloris innati suscitatrix, exuperantia humorum ca-
stigatorix, corruptorum emendatrix, agilitatis ac promptitudinis artuum parens legitima, nervis
ac juncturis roborandis idoneum auxilium, necnon efficacior aperitionis pororum ac meatuum
causa: unde fit ut singule corporis partes firmentur, instaurantur, omnium sensuum munera
obcantur alacrius, liberior evadat aeris inspiratio & expiratio, cordis vigor ac robor conser-
vetur, partes quoque nutritioni inservientes alimenta melius digerant, assimilent, eorumque
residuum citius eliminant. Segnities corpus hebetat, ob nimiam scilicet & diuturnam quietem
spiritus animales motuum opifices situm ferè contrahunt, ac nervum genus torporem quem-
dam induit, Sanguis interea non ritè progreditur usque ad extremos & minimos arteriarum ra-
mulus, sed obstructions fiunt, & etiam ab infarciens materia interclusus ab ejusdem compedi-
bus se expedire vix potest. Nativus denique calor quasi sepultus jacet, quem e contra moderatus
corporis motus diffundit in omnes partes, unde corporis habitus suffuso colore floridus apparet
post exercitium. In desideriosis lentorum humorum apparatus aggeritur, Rheumatismos, Apople-
xias, Paralytes, Calculos, Arthritides, aliosque quos hic recensere longum foret, morbos
miserè procreans, in quibus omniæna se prodit Catarrhorum cohors.

Jos. Quercæ.
dixit. Quer. Poly.
hist.

Fernel. pathol.
cap. 6.

II.

AD Valerudinis tutelam, nec tot nec tanta speres à Medicamentis, quot & quanta ab Exercitio:
hoc gratum & jucundum, ingrata illa: hoc efficacissimum, illa dubii eventus: hoc partes
cum solidas tum fluidas immediate juvat, illa in fluidas duntaxat Vini suam exercere solent,
& antequam ad sanguinem pervenerint ita immutantur, ut vim illam magnâ ex parte amir-
tant. Exercitatio præterea ubique præsto est, nihilque ferè est adjumenti & præsidii, quod ab eâ
expectare sanitas non possit. Vis felicem partum prægnanti conciliare? Quid in hunc finem
ambulatione utilis? Dummodo mediis gestationis mensibus instituat. Vis infanti somnum
accersere, ejusque dolores lenire? Quid efficacius quam ipsius agitatio in cunis? Quin & adul-
tis eadem quoque est, quibusdam in locis, lectorum pensilium ratio, qui blando suo motu,
debitum sanguinis circulum restituant, iisque qui à diuturniore morbo convalescant appetimè
conveniunt. Vis Rachitidem præcavere, quin & curare? Quid aptius excogitatum est, quam
infantem certis quibusdam fasciis caput & pectus circum-plexantibus, ac infra axillas &
mentum religatis, perque ansulas binas, alteram à dextro latere, à sinistro alteram dispositas,
brachiorum exitum sinentibus, iisque ad laquearia longiori fune seu duplici seu quadruplici
connexis, suspensum tenere, multiplicique ita & reditu leniter vibrare? Hæc namque oscilla-

nione identidem repetita relaxantur & distenduntur teneri corporis ligamenta, cui operi perficiendo non mediocriter conducunt varii illi motus quos præ gaudio edit infans, dum sic agitatur se, exultat. His enim membrorum subfultibus, spina, brachia & crura in longum porrigi conuntur. Vis in robustis corporibus nativum calorem excitare, succos luxuriantes minuere, crudorum humorum coctionem adjuvare, conditiora reddere cibaria. Id insigniter præstat venatio & aucupium. Vis stomachi languentis tñum firmare, caput & truncum dirigere, extremosque artus: Id præstat aquitatio & saltatio. Hæc certe crura & pedes roborat, redditque flexiliora. Utile profecto ac gratum exercitii genus, corpus agile & promptum efficit, mentem exhilarat, vividum colorem conciliat, vultum & reliquum corporis habitumque decentem & concinnam speciem efformat. Verum illastantum saltationes choreasque commendamus quæ licitæ sunt, non eas quæ fines honestatis transiliunt, circulatoribusque potius quam hominibus liberali ingenio nisi conveniunt. Vis corpus ad validiores labores sustinendos habile reddere, vitales actiones roborare, habitumque crassum & obesum extenuare. Id præstat five majoris five minoris pile ludus: præstat & pile-malleus, qui postremus cum adjunctum habeat anabulationem, non solum firmandis brachiis, dorso & cruribus apissimus est, sed & totius corporis. mobilis procuranda. Præstat & folliculus, five pile inanis ludus tum majoris quæ ex corio, tum minoris quæ ex scroto taurino aeris instructione distento, conficitur: quæ exercitatione crura non solum brachiaque potissimum, sed currendo tota corporis molles roboratur: præstat insigniter Hoplomachia seu gladiatio quæ fit instrumentis ferreis, ensis speciem referentibus, sed & bruis bovinæ lanugine in acumine vestitis: præstat & trunculorum ludus propter scilicet celerem incessum, brachii triusque agitationem, & variam in variis corporis partibus complicationem. præstat etiam globorum five eurtorum ut dicitur, five longorum lusus, hoc tamen discrimine quod longorum, robustiores lutores juvet. Vis humerum brachiumque dextrum, atque pedum summum digitos obfirmare: Id præstat ludus tucularis, Harum aliarumve id genus exercitationum maxima certe vis est ad innumeras ægritudines avertendas, corporique vires addendas: nec certe hic præterita exercitia fortiora quæ rusticorum sunt & plebeiorum, ut fodere, remigare, arare, vires putare, metire, onera portare, quibus laboribus abunde demonstratur exercitii vis & præstantia. Rustici enim si duros habent nervos, laceros fortes, nec podagras aliisque morbis, divitum domos obfidentes, obnoxii sunt, id facit labor diurnus.

I I I.

QUANTÆ sint exercitii dotes probat insuper dexterae manûs præstantia: illi enim unde robore quo valet, nisi à frequentiori & fortiori cui assuescenda est exercitio? Neque dicamus pedum oculumve dextrum sinistris tamen fortiores; licet non majori exercitio gaudeant, palam ostendere dextra manûs robur à frequentiori & validiori quem experta est exercitio nullatenus oriri: pes enim dexter oculusque dexter, manûs dextra privilegio fruuntur necesse est propterea quod qui in dextrum latus magnâ copîa feruntur spiritus, ad dextrae manûs officia fortiora obeunda, in cæteras etiam ejusdem lateris partes præ sua luxurie fluant oportet, indeque Vis major his partibus accedat. Gentes sunt quibus mos est sinistræ manum ab infantiâ exercere ut cæteris gentibus dextram, nutricesque apud illas cavent ne recens nati alterâ quam sinistra accipiant quæ offeruntur, cæteraque faciant quæ apud nos dextra fieri solent, hos autem apud populos sinistra est fortior dextra, quam ideo imbellem manum vocant. Quibus brachium dextrum amputatum est, sinistrum sortitus evadit quam erat antea, sique sinistra manu scribunt, pingunt, sunt dexterisimæ, quæ vis & dexteritas non nisi frequentiori quo tunc movetur pars exercitio referri debet accepta. Attende præterea ad inertiam illam quam contrahunt nimio quiete partes, cum ob morbi cuspidam ut fracturæ, luxationis, inflammationis curationem, ab omni motu per plures dies feriantur, postquam enim diu quieverunt, vix pristini motus libertatem recuperare possunt. Quidam inani metu perculi ne post plures dies à phlebotomi celebrata sanguine erumpat, brachium per plures hebdomadas reclinatum tenent, hic cum tandem brachium educere tentant, vix possunt. Quantum valetudini conducatur exercitatio, magis assuequantur, ut illos homines oculos consiciamus qui desidem vitam dum agerent, sine lite, sine negotio, suis relictis placide viventes, tunc melancholici, decolores, & innumeri ægritudinibus obnoxii erant, at ex quo litibus pro rerum suarum defensione occupantur, judices & patronos invisiunt, forum frequentant, integrâ tandem valetudine potiuntur. Sunt etiam delicatulae virgines quæ in valetioribus nosocomiorum laboribus quibus quotidie exercentur, fortem & robustam adeo valetudinem acquirunt, ut singularem inde omnibus pareant admirationem. Attende quam prosperâ etiam valetudine utantur plerique Medici euntes atque redeuntes, ascendentes & descendentes, ac semper itantes: in eos præcipue animum converte qui ægrorum peste infectorum curationi operam navant nullis laboribus parcendo; cui tandem prophylactico à tanti mali insidiis suam evasione deberi putas, nisi exercitio cum suam tamen animi fortitudine conjuncto? Hujus rei testes sint nuperæ pestis Massiliensis, Aqueñsis, Telonenis, Mariologiensis, Canonicensis, oppugnatore Medici. Ea est præterea exercitii vis ut mentem à periculi imagine avertendo, formidinem minuat qui transpirationis adeoque vitæ hostis est intensissimus, Medicis vero eo magis minuit quod à primis callent pestem iam eos crudelius sentire

qui animi motibus ac imprimis terrori imperare nesciunt, cui terrori non ita facile cedunt pe-
 Medici uxorē ac errore vulgi longē distantes, existimantis pestem inevitabilem huius pestē in-
 fectos, aut eorum vestes, aliaque similia tergerint. Salubrem denique exercitū vim fatcare quā
 aptatos aquarum mineralium effectus tantopere promovet, ut ambiguum relinquatur nūm exer-
 citationi potius quam his aquis refecti debeat accepta tot ab aegris sanitas. Constat enim nullius
 ut plurimum esse adjuvanti, quin & soepe numero maxime noxias evadere has aquas, nisi
 ambulatione adjuvantur

I V.

EST autem ambulatio quam mox nominavimus, exercitium moderatum ex crurum motu
 & quiete compositum, cui inserviunt femoris, poplitis, tali & digitorum ad pedem per-
 tinentium articuli, adeoque corpori salubriter exercendo maxime congruum, tum esse partes
 moveri sine totius corporis agitatione non possint, unde fit ut non solum inferiores partes ju-
 vent, sed & thoracem expurget, ventriculum robotet, ascendentibus in eo cibis auxilium, de-
 stillationes capitis dissipet, aeneulas ē renibus disturbet, tremencia membra firmet, status om-
 nes discutiat, cerebrum levet. Exercitatio ceterē omni sexui, naturæ & ætati conveniens ambu-
 latio. Præcipuē tamen pueris & senibus aptissima. Namque senes ob declinantem calorem, &
 pueri ob nimis recentem viriosis humorum cruditatibus sciant, quas nisi per cutis poros, ut
 alias à naturā insinuatias vias eliminat exercitatio quadam his ætatibus conveniens, ceterē multo-
 rum morborum præda sunt, quales sunt inprimis, apud pueros, scrophulæ & epilepsiæ, quas
 non nisi lentescens pituitæ stercus esse frequens experientia docet. Monentur ergo parentes ut
 naos ambulationibus exerceri curent, & si fortuna sinat, venarionibus & equitationibus, ne,
 qui in corporis incrementum abire debent succi, vertantur in succos pravos. Omnium autem
 utilissima juvenibus nobilissimum exercitatio est, arnia subinde capefere, equum informare ac rite
 agitare, in arenam cursoriam descendere, pugnas ludicas iustitrate & alia exercitia ad armo-
 rum tractationem spectantia, ut congruis exercitationibus bonam corporis valetudinem adi-
 piscantur, eam conservent adeptam; alacrioresque inde ac apriorē ad omnes bellorum labores
 perferendos evadant, cum occasio se dederit. Pueros verō infantes quibus ob ætatis ténacitati-
 nem, exercitia duriora non competunt, sinantur ludis puerilibus indulgere; hi ceterē ad mollia
 membra efformanda, & omnium viscerum atque artuum explicationem promovendam aptissimi
 sunt: & profecto omnes ferē pueros videas qui intrā paternæ domūs cancellos privatis educan-
 tur, cumque aliis pueris non ludunt, infirmos ut plurimum & languidos; eos contra qui cum
 aliis insinuantur, ita ut cum multis ludant, bene valere & robustiores esse corpore. Ludorum
 puerilium delectus tamen est habendus. Quidam enim vertiginem inducunt, cerebrum turbant,
 visui offiunt, ut v. g. in gyrum verti, quod pueris familiare, item sanibus de tigno arboreve
 alitrinsecus religatis in altum jactari. At finas pueros apodidascintā, alcoliasmo, myindā,
 trocho, rutbinē, glande pennatā, aliisque ludis delectari, quin etiam in arundine longā equi-
 tare, tympanum lateri appensum pulsare. Turbo, quem sub toto vertere volitantem pueri ma-
 gno in gyro exercent, crura & brachia flexilia efficit, idem sed lenius præstat trochus quem
 circumvoluto funiculo illi projiciunt ut diutius apice ferreo quo aculeat, vertatur in gyrum.
 Glands pennatæ lusu corpus quandoque varias in partes flecti cogit, quod membrorum
 fortitæ & agilitati, torpidiorumque humorum, si qui adsint, correctioni non mediocriter con-
 ducit.

V.

SINGULIS itaque ætatibus ad sanitatem tuendam refocillandamve coufert exerceri, ne-
 que ad eximias exercitii dotes verbis elevandas, obicias quam plures viros, & uirginesque in-
 trā Monasteriorum claustra vitam degentes, nihilominus bene valere & ad plures annos vitam
 producere, licet ab omni ferē exercitio abstineant. Præterquam enim quod perisique Monasterii
 hori sunt ubi licet ambulare, quibusdamque Monachorum Ordinibus statuti sunt dies, quibus
 per rura exsurgant fas est, omnes ferē qui in Monasteriis conclusi vivunt, operibus quibusdam stu-
 dent corpori exercendo idoneis, ut v. g. Carthusiani, quorum singuli habent hortulos quos co-
 lunt, multis præterea artibus operam navant ut arti tornarii, minuto lignariæ, viminis in cor-
 bulas & canistra effingendi & contendi, aliisque id genus at quod prætermitti non debet,
 magna apud Monachos exercitatio est chorus. Cantu si quidem mite moventur musculi oris pati-
 tumque circumstantium, & ob frequentem quam subeunt hæ partes contractionem, liquorum
 transcolatio, expressio & circuitus facilis absolvitur, deincepsque liquida omnia vel remotissima
 celestibus ad motum ciuntur. Quin & librorum lectio quæ aliove voce fit, & omnis loquela pau-
 lum elata, inter optima exercitiorum genera recenseri debet. Voce agitantur spiritus non
 leviter, nec in superficie corporis, ut in frictione fit, quæ tamen sanitati tuendæ adeo condu-
 cit, sed velut in ipso fonte, in ipsis visceribus. Hæc causa est cur Monachi conclusi, & claustrales
 Virgines, quamvis non multo uti videantur exercitio, vitam tamen salubrem ducunt, diu
 scilicet noctuque vocem exercentes in canendis Deo precibus, & hoc vocis exercitio corporis mo-
 rum pensantes; ceterē spiritus à voce impulsu nervorum fibrillarumque tubulos facilius subeunt,
 & aer ab organorum vocalium impulsu commotus, fuerit & spirituum & humotum & membra-
 narum systema: hinc debita in humoribus fermentatio & exaltatio, hinc fluiditatis conservatio
 & transpirationis pro-otio, quæ omnia remedium diaphoreticorum ope obrineri nequidera-

Petr. Gorr.
 exerc. Hygias.

Jos. Quercet.
 diacret. Poly.
 Hiltor.

Flaract. de
 tuend. valet.
 Beglvi.
 Jos. Quercet.
 diacret. Poly.
 Hiltor.

Cuenar. In
hotolog.
Princ.
Christian.
Warliq. Scru-
tinium. La-
chym. Medico.
Sacrum.

Cato ab Aulo.
gel. citatur lib.
11. cap. 1.
Adrian. Spi-
gel. de hum.
corp. fabrica lib.
1. cap. 3.

Lommii. com.
in Cels. epist.
nuncup.
Troscia & Re-
becca Guana.
Schola Salerni.
text. c. 1.

possunt. Tanta denique est vocis & loquelæ in exercendo corpore præstantia; ut id fortasse causæ sit cur femine non tanto aliâs exercitio indigeant, quanto indigent viri, quoniam scilicet sunt illæ naturâ loquaciores, quâ in re providam naturam mirere. Salubris quoque exercitio est declamatio, neque dici satis potest quantum concionatoribus quibuscumque & caudicibus profit ad bonam valetudinem: quin vociferationes & ploratus infantum multum conferunt ad crederi excrementa repurganda, toriusque corporis incrementum adjuvandum. Neque hic indorem mos prætereundus, qui quoniam infantes nunquam ferè apud eos lachrimantur & plorant, urticis quandoque, tenella corpora pungunt, ut clamitent, ejulent, vociferentur; cujus insituiti causam cuiuslibet sciscitanti non aliam produunt quam naturam suorum valetudinem & longæ vitæ procurationem. Omnes exercitationis usum tanquam inutilem sanitati servandæ quin & exitio usum damnatè ausi sunt Asclepiades & Erasistratus, quietem verò tanquam præcipuum valetudinis tutamen commendatè, at certè hæc in re sunt non mediocriter hallucinati. Sua quidem laus est, Quieri, spiritus reficit, membra labore nimio fessa levat; & ad plurimorum morborum curationem necessaria est, at idæo semper esse quiescendum qui assereret, magno in errore versaretur. Longe facilius quieris quam laboris excessus, atque si pleuritides exercitio contahi dicuntur, has tamen non tam exercitio, quam subitæ quieti tribuendas esse testatur experientia. Minimè verò opponas exercitio corpus contecti, id quidem verum est, at vitam humanam prope uti ferrum esse meministi, hoc si exerceas contectur, si non exerceas rubigine insidit & absumitur. Eadem ratione homines exercitio videmus contecti, si verò non exerceantur, inertia ac torpore plus detrimenti patiuntur quam si exerceantur; cujus detrimenti levior noxa, articulorum impotentia est ad motum; nec mirum id esse ipsa vel magis obvia sensibus Anatomia demonstrat. In spatio quo osium extrema sibi articulantur, humor continetur albicans, tenax & glutinosus, articulorum humor vulgè dictus, ex apertis abscessibus circa articulos obortis effluere solitus, & ad motum partis, quam lubricat, ita necessarius, ut Chirurgi quidam ignari purulentam materiam hanc esse existimantes, & summo studio evacuentes, unâ cum humoris motu parti adimunt. Humor autem hic cum præter naturam se habet, motum articuli lædit, maximè tamen si sit vel copiosior quam par est, vel viscidior, vel concretione quandam adeptus, unde tunc in parte gravitas, torpor, quin & aliquando sævus dolor & cuciatu exoritur: at nihil magis huic exuperantia, visciditati, concretioni præternaturali favet, quam nimia quies, adeoque nihil est quod articulorum lubricitati & mobilitati adversetur, magis. Præcipua igitur est sanitatis tutela exercitio, modo pro variâ ætatis, indolis & sexus ratione temperetur, huicque accedat temporum opportunitas, nec non & congrua ipsiusmet exercitii mensura, quæ duo postrema, ut de reliquis taceamus, ritè habeantur, 1°. si quantum ad tempus attinet, corpus non exerceatur statim à pasto, stomacho enim cibus repleto, si exercitio utatur, spiritus animales ab interioribus ad exteriora corporis magna ex parte avocantur, & à coquendis cibus avertuntur. 2°. Si exonerata prius alvo & vesicâ, corpus exerceatur, ne scilicet calor ab exercitio sulcatus & ad habitum commoti vehementi, crassiores humores ad angulos cutis necatus impulsus, scabiem, lichenes, tubercula, abscessus gignant, aut ad cerebrum delati, epilepsias, aut apoplexias, valorum rupturas aut flacciditates. 3°. Si æstate exercitio fiat in solis exhortu & post occasum. Verè & Autumnum duabus circiter horis ab orto Sole. Hieme circa meridiem. Quidam sunt qui ab exercitationibus jubent abstinere primâ die Maii, & postremâ Septembris & Aprilis, prout tunc maximè nocivis, quod præceptum sanæ menti non minus adversatur, quam illud scholæ nescio cuius salernitanæ, nunquam verò satis contemnendæ, quo phlebotomia etiam hi diebus interdicitur prout sanitati, *Hydre* in modum, tunc advenit, quin & asineria carnis usus. Femine duc in Facultate Medicâ salernitana feruntur maximè floruisse, liberosque parturisse doctissimos: his fortè Doctoribus feminis hoc opus scholæ salernitanæ titulo insignitum tribuere æquum est, quod Viris Medicis adscribere iniuriosum foret. Mensuram verò exercitii quod spectat, hæc ritè habebitur si exercitii finis fiat cum muscoli jam intumescent, respiratio difficilis efficiatur, cutis rubro colore & vivo pectus capta est, corpus sudore diffusit, lassitudo suboritur, sed ita fiat hic finis ut ab exercitio statim non quiescat. Hic legibus parere non possunt homines innumeri, qui victum labore quærentes ferè semper laborem coguntur. At eorum plerique cum sint hi laboribus afflicti, nullum inde damnum patiuntur, quin contra ita juvantur, ut ad meliorem fortunam si devenerint, & assiduo labori vacare desinant, ægrotent; quâ in re summam divinâ iustitiæ clementiam prædicemus quæ hominem in peccati poenâ damnando ad laborem, poenam injunxit valetudini firmandæ tam idoneam. Cæterum ea est exercitii necessitas & præstantia ut nedum homines, dicam & brutæ animantes, gliribus non exceptis, sed & plantæ ipsæ eo diutius carere impunè non possunt; humilis viola, ut quercus altissima, venis exercet gaudet.

Ergo præcipua Valetudinis tutela Exercitio.

Proponebat Parisiis SYLVESTER - ANTONIUS LE MOINE, Mimatensis,
Baccalarius Medicus, A. R. S. H. 1741, à sextâ ad meridiem.

Typis QUILLAV, Universitatis & Facultatis Medicinæ Typographi.